

剡源鄉志卷七

奉化趙霈濤 醉仙甫纂

壇廟

里社壇 坊隅鄉都設壇如里之數祀五土五穀之神

嘉靖志 遇春秋二社聚眾祭祀其祭用羊一豕一酒果

香燭隨用祭畢就行會飲會中先令一人讀誓詞畢

長幼以次坐盡歡而退見洪武禮儀乾隆志 今廢

里社無壇而鄉各有廟謂之當境其即祀土穀神之遺

意歟象山縣志

剡源鄉志 卷七 壇廟

鄉厲壇 鄉都共一百四十三所嘉靖志 今廢惟五十都

一圖水碓頭邨下地八分遺址尙在

剡源先正祠 在四十九都三圖五曲盡處西隅嶺麓

光緒二十二年四月趙霈濤合同志募資至八月上

旬建堂三間中設先正神位四十三左設寓賢神位

二十七右設助主長生位九深三丈五尺有奇廣四

丈三尺有奇天井深一丈四尺有奇十月建前廳三

間深二丈有奇廣如堂共深七丈二尺堂高二丈一

尺六寸前廳高一丈七尺六寸右旁翼以廚房二間

每歲春秋二祭詳見刊行先正祠全錄

德清俞樾記韓文公稱古鄉先生歿而祭於社此語不知出何書昌黎之文當必有本文王世子篇凡釋奠必有合有國故則否所謂國故者國之先賢先聖釋奠於學則祭之今學校祀鄉賢當起於此而非祭於社也史記封禪書言亳有三社主之祠此三社主不知何人豈鄉先生之歿而祭於社者歟以是推之則上文言雍有九臣十四臣索隱以爲不見各數所出或亦其類歟夫過大梁者仁想於夷門游九京者流連於隨會庚桑子居畏壘之山尙有尸而祝之者況其人已往歟然則哀集其人合爲一祠而俎豆之固亦禮之所應有矣吾浙甯波所屬有奉化者縣境遼闊分爲八鄉剡源者八鄉之一也剡源溪自四明山來經由其地凡有九曲鄉之人有趙君需濤者自號醉仙一鄉之望也以邑志久未修輯力所不逮乃自纂修剡源鄉志告成之後慨然曰吾鄉雖地瘠民貧而代有高人逸士縣學鄉賢祠闕略未備生其鄉不爲表彰則年載既遠安知不付之湮沒乎乃糾合同志集貲建祠於丹山赤水洞天之麓名曰剡源先正祠其地在剡源之中介五六曲之間所祀自宋監察御史樊公良忠以下至

剡源鄉志

卷七

壇廟

二

國朝孝子張公立泚凡三十七人辜較所費洋泉六百有奇又捐田十五畝爲祭祀之用若節春秋潔治牲醴與鄉中父老子弟瞻拜祠下亦一盛舉也宋寶慶間袁詔知臨安府建許由以下三十九人之祠事與此類然彼猶官爲之而趙君乃以鄉人力成其事可謂有志竟成者矣趙君有令子曰文衡字平之肄業誥經精舍言於余請爲記嗚呼方今風俗亦少漓矣苟能推此意而徧行之先正典型儼然未沫使鄉之人皆有所矜式薰其德而善良人人親其親長其長不讀非聖之書不爲高世之論庶可以樹吾道之閑而奪異端之幟乎古人崇鄉先生於社其意蓋在此孔子曰觀於鄉知王道之易易也吾於此祠徵之矣

光緒二十二年十一月十一日

俞太史作記之時擬祀先正三十七人後又續增五人費洋六百數十圓後又續費洋四百餘圓捐田十五畝後又續捐田三畝八分辛丑八月五日
需濤識

光緒二十八年歲次壬寅正月初十日新邑俞鴻荃
謹書
以上剡源之總

西祠廟 在赤泥嶺山腰

啤潭廟 在沙隄

車嶺廟 在沙隄

剡源鄉志 壇廟 卷七

三

鄒溪廟 在沙隄

烏巖廟 在沙隄北

關聖殿 在沙隄

順治間封爲忠義神武大帝乾隆三十二年加封靈佑二字嘉慶間加仁勇二字道光八年加威顯二字咸豐元年加護國保民四字六年加精誠二字合之稱忠義神武靈佑仁勇威顯護國保民精誠大帝

鎮東廟 在徐家步頭祀宋撫州通判贈朝奉大夫劉濤與洪村廟神同

護法殿 在眾濟橋側邑人凌可三募資建

顯濟廟 縣西四十里至正續志九其神不知誰何嘉靖志宋

寶祐四年賜額咸淳九年封英祐侯至正續志九

關帝殿 在公塘

湖南廟 在後董

朱君廟 在小千畧

趙君廟 在小千畧

關帝殿 在康嶺之麓

湖南廟 在康嶺

剡源鄉志  卷七 壇廟

四

孫君廟 在西隅

下汪廟 在下汪

關聖殿 在西隅嶺麓

三石廟 神姓李

老九溪廟 在倪家畧

九溪廟 偃溪住山時嘗立鄭忠定公祠陳沆剡源九曲圖記其

事蹟詳見鄞新志人物傳

錢王祠至正志十一祀吳越忠懿王今改廟在下蹕駐

錢王廟 在上蹕駐

新興廟 在曹家地神姓李

錢王廟 在俞家畧

錢王廟 在六詔

大巖廟 在六詔村後

王右軍祠 在六詔正至志十一元戴表元有代祭王右軍

祠堂文剡源集今改廟

國朝邑侯韓培乾當咸豐末協守陳公嶺過此撰聯云

山色壯四明看此地嶺含萬象書名高兩晉願先生

筆掃千軍

剡源鄉志  卷七 壇廟

五

案嘉靖志誤屬三石村

樸樹廟 在水碓頭神姓劉

行者廟 在黃沙院

關聖殿 在黃沙院

金井廟 石橋頭老廟

真君廟 在石橋頭

關聖殿 在西畧

平山廟 在西畧

水丹廟 距南塢院四里

王漢廟 在撓阮

上興廟 在大阮

湖山廟 剡界嶺四堡新邑張家車一堡

真武殿 在剡界嶺

以上中路

茅洋廟 在斑溪

趙君廟 在董家輿

澤溪廟 在許家岸

記曰許岸之澤溪廟不知建自何代神亦不知是何姓氏爵里而或者必以張武子實之誣矣攷剡源集武子自世遷鄞子孫未再世即棄邱壟廬舍去而他游康烈邑志流寓無武子名乾隆志列武子於流寓

剡源鄉志

卷七

壇廟

六

忽云其子孫居高輿始誤信高輿之譜牒而牽合之與然則究何神乎曰是里社之神也明制凡鄉村每里立壇一所以祀土穀神象山志云邑里社無壇而鄉各有廟謂之當境即祀土穀神之遺意也澤溪之廟亦如是而已必欲究神為何人試問我郡之山莫大於四明四明之山之神果何人乎我郡之川莫大於鄞江鄞江之川之神果何人乎竊謂有天地即有山川有山川即有山川之神未建廟以前澤溪之神自若也既建廟以後澤溪之神亦自若也古與今無二神奚必實之以武子哉況查許岸張氏譜其先遷自新昌之拔茅更與武子無涉抑嘗讀周頌詩序載芟為春祈良耜為秋報噫嘻為春夏祈豐年為秋冬報後世土穀神之祀不外成周祈報之禮而復何疑於澤溪之廟之神去冬其村人新其廟貌并為神設煖閣頌極一鄉之壯觀張君交綱請為文以勒於屏辭之不獲遂記如右○剡曲草堂稿

玉泉廟 在楊家地

關帝殿 在楊家地

袁君廟 戴表元有榆林瓦嶺廟上梁文集剡源

陸坡廟 在樟墅

石溪廟 在楊墅

關聖殿 在楊墅

南溪廟 在石門

趙青照記石門在大雷山之麓四面青山壁立環衛其間中有一溪自南而來故曰南溪里人毛氏相宅於溪澗而廟焉嗟夫奉之有廟夥矣若資福若靈昌若景祐以暨剡之顯濟其年代姓氏功烈並載邑乘而南溪廟無聞其採錄者之不及歟抑食其力而忘所自耶為訪諸里老里老告余曰我神最靈歲康熙

剡源鄉志 卷七 壇廟

七

甲寅有小醜猖逆寇唐田北溪逼處奉壤掠相阮焚康嶺劫棠村跨連山而南邑侯曹公募毛氏人為練長號毛家兵掃除寇氛闔邑乃平非神力陰相不及此故郡侯邱公嘉之旌其廟曰助順殲逆惜當其時弗之額也而額於獅巖錢潭廟者亦其明證甚矣吾神之靈也余聞之睪然以為其靈若此宜乎祈晴禱雨救火弭災求無不應里人毛氏欲擴其宇而無基迺於廟陽梯雲橋畔開山輦石復架四條合舊梁而五墳以黃土其平如砥故得弼其丕基廟貌益峻非特鎖鑰毛氏村落已也時乾隆壬子年四月初二日之吉今當其族葺乘屬余記之以為他年採錄邑志對揚神庥之一助云

崇興廟 在張家阮

菱湖廟 在大雷山麓

新安廟 在周家嶺巔

西溪廟 巖頭老廟

關聖殿 在巖頭

錢潭廟 在巖頭

下堡廟 在界嶺

日生廟 在謝界山

上堡廟 在塔裏院

中堡廟 在大水院

以上前路

後湖廟 在高巖

嵩溪廟 在亭下祀明邑侯錢公璠

剡源鄉志

卷七

壇廟

八

重建嵩溪廟碑記嵩溪廟不知始自何時案賈慶四
明志載剡源鄉管里一村四嵩溪里其一三石村其
二小晦村北宋時單氏自東陽來居之夫有村落官
有神廟蓋唐宋剡源寺院森立豈古佛有棲止之龕
而明神無憑依之地乎有以知其不然矣然文獻無
存難以臆斷其木主題曰錢公之神無名字爵里廟
記闕如相傳公曾為邑令攷縣志名宦有兩錢公一
為宋康憲公諱億邑人祀於北山於小晦無證且非
邑令縣志列之名宦著書者之陋也一為明錢竹梧
公諱璠字國用嘉靖癸巳履任居官六年忠誠廉潔
留心民瘼善政不可枚舉第卽其申減四明驛借友
水馬銀重修隱潭龍祠二端觀之小晦在四明之南
隱潭之下意其時民苦賠累久矣一旦公大為裁減
民之受其賜何如也民苦旱乾公躬親祭禱重加修
治雨暘時若歲卜有秋民之受其賜又何如也其享
祀於茲土也宜哉不然何以七鄉不祀公而剡源小
晦單氏獨祀公也或曰然則何以姓而不名曰神之
故公之不名者蓋尊之也或又曰然則嘉靖以前奉

何神乎曰顯濟廟英祐侯見至正續志而嘉靖府志謂其神不知誰何況洪武禮儀鄉村每里立壇一所祀五土五穀之神象山志解之曰里社無壇而鄉各有廟謂之當境是前此始奉土穀神也後見其廟已久其神不靈故改祀錢公歟

國初來屢圯屢修先緒辛巳村民單魁罡等見廟貌之不足以肅瞻視也於是拓其基址大其梁棟高其牆垣澤其丹雘不一載而新廟落成洵極一鄉之壯觀而育以妥神之靈昭神之嚴矣自茲以往水旱無災疾癘不作何非公之隱佑而默相之也需濤三百人也距小賄十五里同在嶢嶺之中今年秋應單氏之聘來修家乘則見殿宇巍巍迥異曩昔瞻拜之餘愈仰聲靈赫濯行將如作宰時澤偏仁湖豈獨小賄一村而已哉因志作廟之由并爲參證舊聞以訊來者其同事諸人則另書左方光緒二十三年歲次丁酉秋分前五日○剡曲草堂稿

東嶽殿 在小賄嶺

剡源鄉志

卷七

壇廟

九

洪村廟 縣西六十里神姓劉名濤字致遠生有功德

於民邑人祀之 乾隆志

宋趙致臨記生當封侯死當血食人生之志願也苟有功於民不封侯而廟食者今於劉公見之矣公姓劉氏諱濤字致遠世居四明之奉化幼孤歲冠始讀書一過目輒解大義及壯該貫經史中紹興五年進士第調嚴州壽昌縣尉兼主簿公至邑發摘無隱人皆驚服盜賊屏迹境內安堵歲滿闕陞從政郎授徽州黟縣令邑之小民舊苦浮費貧困惟甚公悉擗節摩撫毫倪蘇息襦袴歡謠聲溢於道任滿改宣教郎知處州龍泉縣土風吏滑民獷俗多誣詭公乃籍凶役爲民害者摘而治之終公任無一敢肆惡者一邑皆稱爲神明磨勘轉承議郎充淮東按撫司幹辦公事賜五品服皇帝登極覃恩轉朝奉郎磨勘轉朝散郎通判撫州郡昔饑疫民物故者衆不能具棺斂埋之野往往風土不厚道旁白骨相屬間有未化者爲

犬豕所噬公過之惻然募民收掘得數千骸命浮圖氏作善果埋之義冢畢事夢有謝者吁亦異矣臨川令漫不省事械繫滿獄公臨決二十二事縱所不當罪者八十餘人一時懽呼歌舞道路騰誦公罷歸民皆遮道焚香羅拜越磨勘轉朝請郎通判處州丁母憂遂不赴居邑比里曰公棠厥土燥剛禾鮮登公乃捐己錢三百餘緡募民數百界市中鑿河直亘五千餘丈深尋一廣尋二上引六詔左溪二水灌漑民田一千餘畝映帶廛居二百餘家自茲稼穡屢豐輒挹咸便復於鎮東建石橋開義井發闢道途直踰晦嶺延袤二十餘里居民行客無不德之晦嶺之西土田尤廣公復捐己貲一百餘緡築王村俞村等堰霑浸兩岸二千餘畝隄防損壞者悉加完補由是民富物饒益有感公之德立生祠於嶺巔思以報祀恩甚盛哉免喪通判漳州轉朝奉大夫行次臨漳俄感疾而卒實乾道八年六月初九日也享年七十有二以九年十二月庚午葬於剡源鄉悵嶼之原已而父老相與踵門而請曰劉公施惠吾民既溥且博念不著其

剡源鄉志

卷七

壇廟

十

功綿其祀能無愧於心乎矧先生知吾公出處爲詳請記其事爲不朽傳予考之祭法凡有功於民者宜在祀典遂述其始末以昭後世迺作詩曰惟公蒞政廣明公勤歸於故鄉惠及生民生民如何立祠崇祀廟食一方千秋萬紀

顯靈廟 在董村祀宋邑侯綏甯王蕭公世顯

曹家廟 在董村

顯應廟 在棲霞院祀宋邑侯綏甯王蕭公世顯廟前有大楓樹二大五圍高十餘丈

天興廟 在北溪祀唐鄞令王元暉

東嶽宮 在北溪

上洋廟 在黎洲祀餘姚黃宗羲

孫興公祠 黎洲自孫興公經始至今有祠其上剡源集

明全整又結廬以祀之鮪崎亭集

靈溪廟 在靈溪

太平廟 在平阮

威靈廟 在大晦嶺裏王氏建

茶溪廟 在毛家灘祀唐銀青大夫王敬玘

文武殿 在毛家灘

菱池廟 在沈家巖斑竹園住嶺一堡沈家巖一堡

剡源鄉志 卷七 壇廟 宗祠

十一

關帝殿 在菱池廟後半山中

上祠廟 在巖阮

東皇祠 在西晦溪

應坡廟 在應家山

以上後路

宗祠

啓我堂 沙隄樊氏總祠

養正堂 樊氏仁房派

承啓堂 樊氏後房

毓德堂 樊氏西房

人本堂 樊氏前房

承志堂 徐家步頭徐氏前房

積善堂 徐氏後房

報本堂 公塘唐氏總祠

滋本堂 唐氏新祠

承志堂 後董董氏祠

源遠堂 康嶺康氏總祠

承志堂 性熹松大房派

崇德堂 性熹松二房派

剡源鄉志 卷七 宗祠

三

歸厚堂 經德堂 貽訓堂 敦古堂 俱康氏老二

房派

葆性堂 茅渚張氏祠

叢桂堂 三石陳氏舊祠

宋臧元儒詩新秋花傍小山開自有淮南客
屐來莫更山中招隱士誰能花下日銜杯

本源堂 三石陳氏四房派

承啓堂 陳氏五房派

流慶堂 陳氏四五兩房新祠

江迥記禮之起其於人情乎人無不有本人之情無
不知報本聖人於是推事生之情以究事死之禮而

廟之制起焉然而人之情無窮禮之制有限七廟五廟訖一廟皆為有爵者言之而庶人則無與是固禮之無可干越者也降及後世乃有祠堂本廟之遺制而變通之鄉大夫之講禮者猶止祀其高曾祖考至庶人則往往合一族之主而祀之其禮簡而所及者普國家功令亦不復為之程限蓋皆順乎人之情所謂仁之至義之盡也然予考天下郡國必指紳之族與以資雄於鄉邑者始有意及此而否則略焉獨吾奉地方貧瘠而於報本之禮若汲汲焉不肯稍後族之盛者有宗祠有支祠有房祠即僅僅數十戶亦各有祠堂以為報本之所何風俗之厚耶邑之剡源陳氏始自五季其始祖棠相傳為奉化尉卜居剡源之茅渚後復遷三石族寔寔大而最著者為本堂先生其上世若顯若仲若德剛皆官尚書雖有疑之者而紀之通鑑載之郡縣志功名氣節亦終不可磨滅乃傳至本堂之孫曰樸曰樞遷居蘇州三石之故居僅數家而蕃衍至於今者則新城縣尉觀之子孫也新城君於棠為十世孫實本堂之從弟宋亡歸隱與本

剡源鄉志

卷七

宗祠

三

堂挾幽探奇相唱和粹然儒者其詩書之澤所以承先世而貽後人者為無窮矣新城君之後又分四五兩房族既盛矣亦各有支祠以為報本之所其裔孫鶴亭茂才獨慨然奉父兄遺意思稍擴其規制而一之於是謀諸長老及幹練有能者議既同乃卜地宅之東鳩工庀材其制堂室五楹門廡畢備經始於光緒庚寅閱一歲而告成奉始遷祖以下之主而祀之而本堂之派向有祠曰叢桂堂乃并奉諸先生之主而與列焉此則孝子仁人之用心今而後有事於斯堂也衣冠濟濟拜跪趨踰將有念先澤而益思繼述者可不謂盛舉歟是時孫玉仙司馬方與鶴亭校刊本堂集因取集中語各其堂曰流慶閣辛丑鶴亭始貽書請予記之予檢本堂集喜弟觀得孫詩有深源出芳流盛德受豐報家慶三世圖人間如此少之句未知果否取此今司馬官越嶺相隔數千里不及問即以此當之而新城君之官有後本堂固已預券之矣夫陳氏之先世秩皆卿大夫宜有廟今鶴亭之為此祠亦循世俗之制所謂通古今之禮而不費者歟

嗚呼今之世景教流行方挾其摩醯之說以鼓動我人民而衣冠俎豆之典禮將弁髦而不之卹然亦由我中國秦火之後典籍殘缺議禮者或徒知講來末節而先聖王之精意無十一之存故後世亦易厭棄而異說得而乘之竊謂言禮至今日不如去其繁縟一歸簡易庶幾輕而易舉約而易遵而千聖百王制作之精或猶得與斯人同其留遺此則鄙陋之恥說因爲此記而書以訊之當與鶴亭之意有合焉光緒

二十七年
八月朔

思本堂 三石何氏新祠

光裕堂 三石趙氏總祠

四美堂 三石趙氏分祠

永思堂 塔下曹氏總祠 崇德堂 曹氏天地人三

剡源鄉志 卷七 宗祠

西

房派分祠

敦睦堂 塔下康氏總祠

敦本堂 相阮陳氏總祠

裕後堂 下蹕駐宋氏舊祠 聚德堂 宋氏天房新

祠

樹本堂 下蹕駐王氏總祠

餘慶堂 上蹕駐陳氏總祠

永和堂 樂戶仇氏總祠

燕翼堂 六詔孫氏總祠

務本堂 六詔應氏總祠

報本堂 晚響嶺趙氏總祠

仁德堂 晚響嶺王氏總祠

春暉堂 水碓頭竺氏總祠

繩武堂 水碓頭夏氏總祠

順德堂 剡界嶺張氏總祠

順思堂 剡界嶺許氏總祠

恆德堂 黃沙阮丁氏總祠

聚義堂 黃沙阮戴氏總祠

剡源鄉志 卷七 宗祠

緒誌堂 石橋頭汪氏總祠

敦本堂 大阮金氏總祠

鼎新堂 斑溪董氏裏宅總祠

潮水堂 斑溪董氏裏宅舊祠

滋本堂 斑溪董氏裏宅新祠

樹德堂 斑溪董氏外宅總祠

百歲堂 斑溪董氏外宅中房分祠

餘慶堂 斑溪田氏總祠

承德堂 董家畝康氏總祠

圭

以上中路

永思堂 許家岸張氏總祠

永仁堂 榆林陳氏總祠

仁美堂 榆林陳氏新祠

懷敬堂 榆林陳伯旺派分祠

崇本堂 榆林上陳陳氏總祠

聚星堂 榆林上陳陳氏福珍派分祠

深遠堂 榆林上陳陳氏甯九派分祠

報本堂 巖頭毛氏總祠

崇本堂 巖頭毛氏國正新祠

剡源鄉志 宗祠

卷七

宗祠

夫

桂馥堂 巖頭毛氏東房一柱派分祠

永明堂 巖頭毛氏東房一柱派分祠

崇德堂 巖頭毛氏分祠

穀貽堂 巖頭毛氏西房派分祠

五美堂 巖頭毛氏東房五柱派分祠

三裕堂 巖頭毛氏東房五柱派分祠

追遠堂 謝界山陸氏總祠

溯源堂 老界嶺毛氏總祠

育德堂 樟墅毛氏舊祠

裕後堂 樟墅毛氏新祠

式穀堂 樟墅毛氏梅房派分祠

敦厚堂 楊墅徐氏總祠

世義堂 石門毛氏總祠

承恩堂 石門毛氏東西房派分祠

佑啓堂 石門毛氏西房派分祠

見山堂 石門毛氏東小房派分祠

維新堂 石門毛氏份房派分祠

敦仁堂 石門毛氏元瓊派分祠

剡源鄉志 宗祠

毓秀堂 石門毛氏分派新祠

擁翠堂 石門毛氏松涯派分祠

紹裕堂 石門毛氏龍巖派分祠

勛忠堂 石門毛氏剡溪派分祠

紹先堂 石門毛氏善繼派分祠

務本堂 石門毛氏下宅派分祠

世澤堂 石門毛氏嘉君派分祠

迎曦堂 石門毛氏嘉巽派分祠

駿惠堂 張家院毛氏總祠 地屬連山

敦本堂 高畧張氏總祠

垂裕堂 高畧張氏西房派分祠

孝思堂 亭下單氏總祠

尙志堂 亭下單氏梅房下奇珂派分祠

記曰吳可舟廣文創纂忠義鄉志孫玉仙內翰謂余曰剡源多人物古蹟亦何可以無志余承其教搜羅圖經參考鄉先進遺集梗槩麤具慮見聞之未廣也去夏採訪至小晦亭下讀單氏家乘知孝思堂為闔族之總祠梅房下奇珂公分祠有堂而無名其裔孫紹萊請余名其堂余惟奇珂公高祖為道甯先生元季邑侯李元中有題剡麓小隱詩因擬其名曰高隱今年秋其族重輯家乘延余纂修前擬之名羣嫌其不愜當紹萊復請易之并屬余為記余曰士所尙者志耳易以孟子所謂尙志何如僉曰善余考孝思堂

剡源鄉志

卷七 宗祠

六

重建於道光二十年紹萊之曾大父訥庵太年伯先生實幹其事明年與族姪仁祐復建是堂眾資告罄募捐不足則各出己資以補之稍有贏餘俾仁鈺等權其子母而祀田日以增矣於是冠婚之禮行於斯喪祭之禮習於斯自正至以至除日薦羞受胙莫不畢會於斯一遵朱子家禮而無所於愆先生與先叔祖五鳳公同為督學宋文定公所取士余幼時見先叔祖崇尚實行不肯繩墨先生乃亟亟以宗廟為先非其志量之遠且大歟且孟子尙志云者本於易之高尙其志與孔子之言隱居求志同大學之修齊治平此志中庸之化育參贊亦此志特曾子子思渾之而不發至孟子發之而其旨彌暢又曰得志與民由之不得志獨行其道曰得志澤加於民不得志修身見於世孟子實自道也蜀漢諸葛公淡泊明志其庶幾乎有宋洛閩之淵源千餘年一脈相承當時我剡樊氏若良忠若翠屏若謙齋陳氏若平山若及甫若耐庵若本堂曹氏若純夫若困明若元思若泰宇竺氏若筠溪若楓林晦溪之單若崇道若君範諸人相

爲後先皆能尙友古人慙窮通得喪而不渝其初志者觀奇珂公之子若孫雖不得行其志而采芹食餼者代不乏人今仁武翁哲嗣孝煥天資明敏庠序有聲紹萊與余舊徒紹炳更以學行相切劇尙所謂篤志者非耶忠義志立祖祠一門余仿之而輯祠祀已將孝思堂與是堂編入鄉志以待梓吾知登是堂也西望四明南眺大湖北晒雪竇東觀赤堇騷人韻士其必有吟詠而留題其間者乎然此又其餘事矣光緒二十三年丁酉九月日建癸丑○剡曲草堂稿

錫類堂 亭下單氏大分派分祠

頤養堂 亭下單氏外宅分祠

記曰古曰宗廟朱子家禮曰祠堂祠堂者祀始遷之祖或祀始遷之祖之所自出族大則有分祠又祀各房之祖我剡石門毛氏分祠最多其他各姓或五六所或三四所亭下單氏得祠得佑二公分祠道光壬

剡源鄉志

卷七

宗祠

九

寅季冬其裔孫敦學幸鳩工庀材建堂三楹凡寀廨開栢棟楹坊墟瓴甍唐陳之屬既堅既固闕明年三月而落成向祇稱吉士眾久虛其名去年上舍孝祈翁以堂名請余詢二公事蹟闕而不傳因叩敦學公生平則以年臻入秩善養其生告遂名之曰頤養今年秋其族重修譜牒敦學公之哲孫孝論屬余爲之記固辭不獲余思四牡之詩曰將父將母集傳將養也南山有臺之詩曰保艾爾後集傳艾養也易頤卦頤貞吉觀頤自求口實序卦傳頤者養也其彖辭曰頤貞吉養貞則吉也觀頤觀其所養也自求口實觀其自養也案李隆山舜臣曰重道義之養而略口體此養之大者急口體之養而輕道義此養之小者養其大體爲大人養其小體爲小人天之賦畀詎有大小之別特人之所養各殊斯其所成就者異耳陳思獻琛曰集義以養其氣寡欲以養其心則所以養德者正窮而不屑於嘑蹴達而不至於素餐則所以養身者正此詣非聖賢不能到然古者五十養於鄉六十養於國七十養於學後世有其名而無其實想敦

學公當日黃髮齡背蘭桂盈庭頤指如意撰杖履以優游始詩所謂壽考維祺者歟抑又考之春秋繁露壽者壽也壽有短長由養有得失觀於此而公之所養可知公之自養更可知矣然余更有進焉得祠得佑二公子孫三四百人凡瞻拜於斯堂者追養繼孝毋以眾暴寡毋以強凌弱人人各以養志爲心將孝子順孫萃於一堂庶有合余名堂之意也夫光緒丁酉十月朔○剡曲草堂稿

虬祠 亭下單氏裏宅派分祠在馬村虬嶺

德涵堂 亭下沈氏總祠

德興堂 麻廠嚴氏總祠

敷訓堂 馬村張氏總祠

垂裕堂 馬村張氏小房派分祠

剡源鄉志

卷七

宗祠

三

餘慶堂 西山頭陳氏總祠

善慶堂 西山頭胡氏總祠

三槐堂 環潭王氏總祠

汝南堂 白璧周氏總祠

燕貽堂 斑竹園俞氏總祠

彝倫堂 毛家灘王氏總祠

追遠堂 沈家巖俞氏總祠

樹德堂 住嶺胡氏總祠

永言堂 畧底俞氏總祠

敦敘堂 俞村俞氏總祠

崇德堂 俞村俞氏前房派分祠

聽彝堂 董村竺氏上宅分祠

傳德堂 董村竺氏下宅分祠

明德堂 董村竺氏前宅分祠

承德堂 董村竺氏前宅分祠本姓陳

端本堂 董村竺氏後宅分祠

積善堂 董村宋氏總祠

敦倫堂 棲霞阮王氏洪文派總祠

剡源鄉志 卷七 宗祠

三

式穀堂 棲霞阮王昌法光緒二十二年建

孫鏘記天下世系之繁莫盛於王氏世之言王氏者
媯姓子姓半姓外惟姬姓自周靈王太子晉者為最
盛彼畢公高後不及焉太子晉之後分二派曰太原
曰琅琊而三槐又琅琊之別也吾奉王氏其卜居連
山者大都為琅琊之裔而剡源棲霞一族同之余考
慈谿王簡侯先生所輯通譜述棲霞所自始云著作
郎分支吉生公派下有諱鎔者於太子晉為六十五
世孫明初由萬竹嶼遷居剡源鄉棲霞阮蓋由來舊
矣惜其後皆略而弗詳耳至七十五世諱世金者有
子尚道娶妻未育而卒其仲弟季弟嗣少不能議兼
承乃取盧氏子為子各之曰尚仁當時議者固謂世
金公以上祀火一皆歸其輪值蓋取風詩螟蛉有子
果羸負之之義也然自村人不戒舊譜焚如世系遷
流漸不可考後之纂修者輒改蛉子為義男必欲區
別尚仁公之裔自為一派於是六世孫海水司馬以
勤儉起家志在尊祖不忍尚仁公之派見異同族既

於光緒庚寅春別立支譜矣又以累世粟主不有宗
祏無以揭虔妥靈爰乃度地於居室之東量材鳩工
擬題其門曰棲霞望族而以堂名詢余且屬爲文以
記之余謂王氏得姓最古誠不一其族矣後世僭僞
之朝其不幸有賜姓者若漢劉閔劉嘉等之遇新莽
五代宗佶宗侃等之遇前蜀是也若夫避宋藝祖諱
去匡之三垂而爲王者見弇州山人類稿又有蘭溪
孫端甫者南宋初從外家王姓見述菴侍郎春融堂
集二公著述冠當世皆不肯支離其詞以欺罔天下
然則棲霞王氏若尙仁公一派雖出自盧氏庸何傷
乎且盧王兩家爲唐初四傑之二歷世通好非尋常
泛泛者比茲旣以盧氏子姓承王氏宗祧源流秩然
不誣不背由前而論則教誨爾子式穀似之之道也
由後而觀則先河後海飲水思源之意也司馬屬余
書飲水思源四字爲後人告余遂各其堂日式穀亦
使後人知今之席豐履厚者皆先世飲食教誨之所
致也登斯堂也孝悌之心其有不油然而興起也哉
光緒二十有二年孟春

剡源鄉志

卷七

宗祠

三

堂 棲霞阮周氏總祠

崇德堂 巖阮王氏總祠

垂裕堂 巖阮單氏總祠

追遠堂一 北溪盧氏一爲舊祠一爲新祠

本源堂 梨洲王氏總祠

追遠堂 梨洲溪下王氏總祠

敦敘堂 西晦溪單氏總祠

溯源堂 西晦溪單氏新祠

懷本堂 西晦溪單氏國盈派分祠

敦本堂 應家山應氏總祠

以上後路

寺菴

鎮甯菴 在沙隄

西山菴 在沙隄

妙香菴 在公塘申明亭故址側光緒初建

五經山堂 縣西四十里康乾二志元至元中建康熙志

案今莫詳其故址

佛照寶蓮堂 縣西四十五里至元二十年士人丁氏

捨宅爲之至正二年燬至正續志十

剡源鄉志

卷七

寺菴

三

案至正續志既云燬而康熙志又云元至元中建舊名寶蓮乾隆志又出佛照堂豈後人重建歟抑已圯而不註明歟今莫詳其故址

法喜寺 縣西五十里唐咸通九年寶慶志十五僧照建康熙

志名永泰院宋治平二年改法喜院寶慶志十五後爲寺

明永樂年廢成化三年重建浙江通志

宋舒亶詩抱山重屋兩迴廊松檜如雲百尺長香火他年誰第一老僧辛苦頂如霜了無情解作攀緣

一鉢三衣只兀然坐對青天不知老學人休問祖師禪

元戴表元詩野火煙雲窟春溪風日朝花遲年有閨樹密地無搖山鼓通荒成庭碑認往朝客言僧可隱

勝似隱
農樵

上乘院 縣西南五十里唐咸通五年置名乾符宋治

平二年改今額寶慶志久圯

宋陳著次韻上乘寺主僧如岳詠菊詩萬紫千紅各炫名紛初兒女哄春榮屈園秋種無人顧獨遇陶潛氣始平

又四月八日攜子姪到上乘偶成詩白首猶堪數里行相過一笑見山堂殘僧門徑靜於夜新夏林塘暖自涼且借吟牀娛半日何妨歸笠戴斜陽我來豈敢辭筋力先隴松楸倚寺傍

又上乘方丈詩石邊流水竹邊松中有十年前好風悠然自得忽自笑今日何日此山中又上乘展墓詩吾行荷謝老天公不放南來送雨風筇杖步前皆雅興梅花香底欠詩工塵埃辟易青山

剡源鄉志

卷七

寺菴

十四

外邱壟淒涼落照中一片初心分付處兒孫他日記衰翁

案延祐志作縣西五十里為是康乾二志不載想因已圯而削之與

永固院 縣西五十里唐光啓二年置名三石院宋天

聖十年改今額寶慶志後為寺乾隆志久圯

案延祐志云唐光啓初王仁紹建靈石山菴宋

咸平閒改永固教院與寶慶志微異

宋陳著宿靈石方丈詩偶因塵隙遊靈石不覺夷猶到夜深坐對半窗山月影參成一片白雲心寒蟹著露更相調老葉無風也自吟分得僧牀伴僧夢夢闌詩料滿山林

又遊永固院詩晴行不自覺又入此山來失笑谷聲
應坐迎僧戶開簷風數行竹窗日一枝梅歸策休催
發得閒能幾回

又到永固寺訪曹約齋詩本是塵埃客黃緣到上方
茶嘗新雨味酒吸綠陰香半日清風古百年佳話長
悠悠一俯仰我欲憩斜陽

又醉書永固方丈示東隱詩西麓與東峯前緣得二
翁雅心千古上慈汁一尊同猛省塵埃夢飽參松竹
風黃綺在何處我欲問冥鴻

又似永固主僧惠福詩偶來乘暇隙又過古禪林白
日鐘魚外清風竹樹陰無言自有趣得句亦何心相
見不相問老僧知我深

又似永固寺主僧可恭詩天女多年爲散花晚年來
此寄年華貧因好客甘如薺詩解醒人苦似茶入室

剡源鄉志

卷七

寺菴

三

漫爲雲作主開窗惟許月通家有
時得句忙題處滿壁淋漓字溼鴉

又似前人詩老友姑從方外求危時亦可少紓憂笑
圖難贅餘人契病室應關一世愁淡飯是緣終有味

故山雖好莫回頭滿航雪意
元無價住色空中足應酬

元戴表元宿永固寺詩小寺如山艇坐來風雨宵榻
分櫻樹影饌帶菊花苗親近談難褻狐馴聽不妖許

由渾歎達嫌
到野中瓢

丹霞菴 在丹小山丹霞洞前宋時名丹山精舍後改

今名嘉道咸同至今里人相繼重修以爲讀書之所

宋陳著丹山主者恭雪航年七十餘清苦善吟八句
以似詩本是住林深浮雲載出林蹒跚多病腳邂逅
十年心破熱飢甘飯殘燈老醒
吟我來相訪外梅竹是知音

又送丹山主者周東隱詩飛來峯頭飛鐵錫一坐八
載丹霞岑山林成陰饜眼淺議論近古咻機深白雲
泊對不留迹明月行空是歸心可
無坡翁挽戒老試聽重新鐘鼓音

又弟觀爲眾奉里神於丹山僧舍有五絕因趁韻詩
一入丹崖第一劫幽然此意已有巢吸泉煮茗濡吟
吻洗盡人間血肉庖 人眾由來口鑠金漫從時好
答人心堪憐寒露冰壺玉塵滿冠巾汗滿襟 一卷
新吟水石香頓教塵濁變清涼喚醒心下十年夢拜
舞薰風面舜廊 老我今年七十二已無半念到窮
通北窗一枕羲皇上日自流西水自東 迎神舊是
醉譁場榷禁方嚴酒有坊幸免叫囂成鬼市不妨安
穩服
農忙

國朝陳錦見丹霞菴崩壞有感詩古剎傍山歲月長殘
垣破壁甚淒涼火煙久絕苔生竈鐘鼓無聲草滿堂
昔日蓮臺留古蹟當年衣鉢付何鄉
禪房零落人蹤少空有林花冷自香

剡源鄉志

卷七

寺菴

三

下菴 丹霞菴下院在丹小山麓道光時圯

碧雲菴 在丹小山之陰日後洞咸豐時圯

明周齊曾訪丹霞後洞滿德禪長詩宿記曾於此無
多霜影圍十年重一過密竹款雙扉不見主人老獨
添山色肥健偏欣接客頻挽欲歸衣 又丹霞後洞
訪滿德禪長詩但遮癡骨三間草足洗塵心萬斛泥
迹印兩沙人亦鳥香分泉石筍爲齋 香浸煙深花
後徑人來綠上雨餘蘿種成多樹皆能 余出新禪
號橐駝 雨餘樹色連峯住石底灘聲出
葉飛未及嶺已雲送客不須溪始 催歸

石蓮菴 在三石塌巖山中其菴不知建自何時順治

丙戌周貞靖齊曾來居此至丁亥秋始去 參霜 今圯

梁頃詩精藍高寄翠巖巔隔岸紅塵路杳然地勝每
多僧作佛山深常有樹參天白雲入戶尋幽舍明月

當庭伴老禪聞道昔年龍
聽法嘯天龍在此菴前

周齊曾石蓮探茗記茶盡無以佐渴同自牧和尚拉
得八足走石蓮峯頂搜探茗葉時秋多半草木蒼蘚
細路斷續幾不可下腳斬刈而上人負一囊入萬綠
紛雜中稍隔數武卽不相見然不隔呼應聲各以聲
相顧以耳代目或遠或近不啻覲面採無多葉日已
西下急返步囊雲次早圍坐地上出葉片片截去兩
頭併中間一綠梗炒三四回香已溢日色且撲鼻候
水數沸入瓦注飲之絕無粗澀氣涼滲肌骨使但以
其味誰知是秋露下來非春雨中摘得也人自生分
別舌亦隨之總於此味無涉耳時癸巳秋分後三日
又祝髮石蓮詩猶有空山一片地似誰留此待孤蹤
眠唯折腳牀偏穩坐只低頭屋儘容葉密樹何不是
雪花稠人豈便非蜂曾思問道無如石卻好芙蓉霜
後逢無多心亦與天崩石在空嗟補未能不奈頭
顛肉作髻何妨家室俗爲僧涼依樹綠難分雪瘦倚
山青欲傲冰莫漫別尋乾淨地江城咫尺有東陵

剡源鄉志

卷七

寺菴

三

善慶禪院 在塔下久無僧住雖有古佛數尊已爲村
人公用之所

寶明菴 在周家嶽僧則峯居此今圯

倪畧菴 在倪家畧道光初圯

宋陳著詩聯袂西菴去行清不厭深蘭芳泛幽谷松
翠引長林石路傍山磬澗源何處尋歸途無所有時

聽一
猿吟

又夜宿倪菴坐雨二首一自入菴來翛然百念爽松
風晴後雨澗水靜中雷鄰戶祈蠶母樵翁挾雉媒若
無山外事何必過天台 連朝雲靄靄一夜雨臙臙
漲霧黑天曉洗山黃澗流澗深麻長骨溼重麥垂頭
春水可農事
只愁兵未休

又六月六日倪密菴坐雨詩山外黃塵不到門南風
松竹翠紛紛暗中有虎村噪合夜半聞雞老睡分帶
得兒來同坐雨飛歸家去欲排雲收
書忽報今朝喜病女加餐藥奏勳

聖跡菴

縣西五十里

乾隆志

在塔下之南巖

案五十里當作六十里

廣福菴

在塔下大箬阮山今圯

淨慈寺

縣西六十里唐乾符六年建

六志校勘記一
乾道圖經佚文

名仁王院宋治平二年改今額

寶慶志

沈端憲公煥

有記

延祐志

中有慈雲閣

本堂集

明洪武初改寺

康熙志

宋沈煥記奉化縣治之西六十里有佛宮焉按圖志
唐乾符六年所建院有故籍又謂始於石晉天福五

剡源鄉志

卷七

寺菴

五

年他無考證然自天福庚子逆數而上適周一甲子
圖經流傳不應無據院初號仁王其錫名淨慈者本
朝治平二年由淳熙戊申里之父老走告於州曰淨
慈為剡實明越天台三郡田夫野婦遠近老穉奔走
徼福之由山無常產而地少朝晡稻蔬之供未始告
匱者實賴山王陰率潛化若有人從空中告語相勸
導者凡粟米豆麥布帛絲麻薪炭菜果隨闕而應不
求自至傾囊倒囊負擔挾篋牽聯號呼纍纍而來捨
其有而求所欲無不響答比年主丈室者行業不孚
禱祝弗應里多疵癘人心累驚願更擇有道行者居
之以妥慰山靈而加惠一方邦君吏部侍郎岳公從
之悉召州之名刹育王天童而下十有六主首律通
選一人得今住持師宏臨江人嗣法佛照禪師始至
周視庭宇喟嘆荒蕪眾相與畢力支傾補罅規恢隘
陋甫期月百堵徐興法堂靖嚴以祇演佛事僧堂奧
敞以休處明徒旦過接待之寮闢而新之以安適來
者度僧有庫會浴有宰鐘魚震響草木蔥茂叢林規
制大略具體宏師以書來乞記其事余觀人之一心

精誠所達雖天高地厚豚魚細微金石無情有感必
通況數椽之興廢乎是心苟存鬼神其相之矣雖然
天下之事其將興也責於己求於心其將壞也聽諸
神歸諸天古今一軌宏師能充此心不倦則道俗丕
應興起法席蓋未艾也不然徒日然熏淪供而神不
我孚吾恐山王去之遠矣書以遺之使刻之山中若
夫自漢以後佛法入中國四民風靡競求福利上之
人往往多倡導之其來已久豈特一淨慈而已哉民
生不及三代遠甚其本安在宏師不求余言姑置勿
道獨識其所以振作頽廢之概如此紹熙改元八月
記

陳著重修淨慈寺記余家西蓮葉峯下有禪刹曰淨
慈林麓茂悅風月清美擅里中遊觀勝地比饗者狎
尸丈室苟旦暮饜率颺去山空屋壓惟殿一閣二鐘
樓僅完古佛殘僧幾與狐兔爭席歲辛巳法椿以公
選住持周視奮誓迹其舊而經而營量其力而緩而
急謂寺初興山君發靈日用飲食實徵福以贍而祠

剡源鄉志

卷七 寺菴

五

庭老且隘所以尊本妥神依未稱首撤而新之既次
第重建祖堂齋堂庫院口閣皆高亢軒豁眾寮客館
浴院西廊皆深而敞回而便庫堂庖若溷則繕修覆
甃必堅必緻四十年來過者誰目規復不十年頽立
廢興於前有光寺幸素薄非施助奚給自忝竊者居
神罔惠顧昔所謂世俗祈求一徑淒其埽影沉遺通
山積執券索償踵相接如承乏辦事何法椿乃斥巾
鉢儲開人信嚮冥冥與知相其來源源孰禦調度土
木時節鐘鼓屢更饑饉一如平日胸中無私百需自
應神固弗能違也聞且並溪隄田寬爲眾計栽松補
竹環四山蔥翠秀擢精神運量有餘如此古道散失
人隨所入用心安問殊歸成皆可紀法椿功等開山
將紀其績不以他屬而屬之余然余所欲言已有宋
紹熙鄉先生端憲公記在奚庸贅特爲書其志立事
成之
槩云

又蒙齋習菴皆有詩在慈雲閣沈端憲又有記文刻
石因成二絕 早行到慈雲 乙酉正月二十日遊

慈雲三首 登慈雲閣偶成三首 遊慈雲 到淨
慈展墓 遊慈雲二首 次韻吳竹修發慈雲 遊

慈雲道中 登慈雲閣 同離孫童蒙遊淨慈 次
韻弟觀留慈雲 東隱退永固齋叟留之慈雲西堂

夏五再遊慈雲 遊慈雲 次韻弟觀
淨慈詩寫情 十月十二日到慈雲見去歲與齋叟

詩因次韻 次韻石秀叔慈雲逃席自解 代吳景
年次韻淨慈寺主僧頤上人二首 遊慈雲分韻得

是字 遊慈雲似齋叟 四月五日醉書慈雲閣
夜飲慈雲諸公索詩因成長篇 登慈雲閣示齋叟

月嶠 正月二日遊慈雲為齋叟作 老興行慈
雲醉中 似法椿長老還住淨慈 俱見本堂集

袁甫慈雲閣詩不見慈湖二十年憂心如醉
復如顛我來忽見慈雲閣恍若慈湖現我前

國朝江迴遊淨慈寺詩舊時遺蹟問仁王蓮葉峯前即
上方曲澗通流初過雨好山積翠未全霜談經共

高僧去盤蓋長留古木蒼欲覓
遺碑無處所千秋世事感滄桑

剡源鄉志

卷七 寺菴

三

孫昭謙遊淨慈寺詩蓮峯五葉鎖晴空中有仁王數
畝宮老屋連雲滋闕寂古書滿壁愛精工品茶雖乏
龍山味采菊猶存栗里風好景
此時須飽看楓林遙映剡溪紅

定水菴 在柏阮九溪廟側

囊雲菴 在柏阮榷樹灣順治四年周貞靖齊曾築瓢

於此自為之記今圯

囊雲記至剡曲白阮出人家屋角東行數百武望隔
水眾山如海波從風起伏一峯逆流奔注西去作日

渦狀摺處分數服中口一澗下送至溪頭入瓢須從
溪溪須筏須舟須梁筏須竹舟須板須篙楫梁須架

木須編柴即負以涉須人肩背脚力或呼不至須待
吾有脛豈不便如山深人幾寸骨況除雨漲甚一日

半日即石出深不過踝以上淺僅沒腓吾不惜吾脛
自不懼水懼冷懼沙石齒齒齧吾足板人莫不便於

有所須有所須即聽於物聽於人將盲人跛人不如
矣故不舟不筏不梁不人止用吾脛從驚湍濺濺中
行數十武即山脚一徑漸次轉摺上有石如屋如城
堞如門闕如人立如臥如偃仰有澗蜿蜒如奔虬有
泉挂低壁雨後如飲虹晴如撒珠有木有草不栽而
花或出石頂或出石罅或雜叢綠裏如繡如抹如潑
徑盡乃抵瓢瓢所有唯雲與煙香俱遠與楊枝水俱
淨與露俱潤涼可代茗溼可供沐供浴爲墨汁供口
寫在花口圍香使不漏在暑炎氣頓息勝夫餘松石
在月夕時幻蝶竦出沒在雨爲龍爲雷聲光百出然
則吾即奉雲爲大和尚以口前多口木石作座下大
眾以口側不上數畝也數椽茆當大叢林儘覺寬然
有餘雲來不來雲去不去木石常住不常住惟見雲
之無非木石木石之無非雲一座囊雲始許共住
又囊雲漫興詩三首猶餘此地可徜徉小小幽棲石
作房雖乍人如曾幾到似相識卻偶然忘腸應一片
花俱冷身以敗聲鳥暫涼祇爲深雲間料理將無一
事更生忙 雖接村煙卻隔灘隨松幾摺到雲寒山

剡源鄉志

卷七

寺菴

三

各盤谷人非李序擬昌黎送孰韓有水流堪引作枕
無鹽梅已種成酸長時合眼蒲團坐且作癡癡睡裏
看漫說山容淡欲妝孤光寂寂淨於霜路逢仄處
僧爲杖夢若酣時石即牀種到竹無酒自醉煮來茶
得水偷香獨抒心冀人
相識六詔今誰舊姓王

又元旦囊雲口占日日是好日去來
雲一巖我無年可拜不用借婆衫

又囊雲夜詩心難忘所至如花影落潭分明乳竇側
老人將喚三余尙未及語又聞話誦誦忘是蟲枕露
夜涼聚語酣茅深聲
一屋茲山即老菴

又除夕囊雲雪中煮蔬分歲詩晨炊已有餘新歲又
何如即此和冰煮曾經候雨勸留將勤供客莫以褻
嫌余孰記山頭
老先通花外車

又開得囊雲新路答解齊大師韻一日路從心想入
果然是處有行窩難分石即眠雲古不必人如語鳥

多花襯壁分天作影溪隨樹出徑爲波
山情曲曲誰酬價贏得高賢踏踏歌

周志甯入囊雲訪周唯一先生詩羊腸九轉隨溪曲
鳥道千盤隱落隲黃葉滿山堪謝客白雲無日不知
君閒題尺素邀松子漫倚孤桐數鹿羣
楚使來尋那得見有時清嘯月中聞

孫士价坐囊雲菴詩縱日青山外山與客心閒興來
時獨步日午猶閉關路隨石壁斷風帶水聲潺湲主人
不輕出下士絕躋攀一
卷楞嚴罷山中樵者還

明倫菴 在兩湖

孝義菴 距縣七十二里 國朝康熙初僧超觀建觀

孫氏子幼習經書遭亂從周貞靖先生入山母妻死

葬菴側故名 參康乾二志 互詳仙釋

剡源鄉志 卷七 寺菴

三

案康乾二志作西北六十里誤

九龍菴 在下蹕駐

慶雲菴 在上蹕駐

龍慶寺 在上蹕駐俞家壩

福德菴 在六詔茅塢初名陳成菴咸豐間改今額

永鎮菴 在六詔廟下

法通菴 在剡界嶺

廣福菴 在黃沙阡 以上中路

報本教寺 縣西五十里元大德五年僧正思建 康乾二志

○按在久圯

元戴表元天壽報本寺記○見剡源集

迴龍菴 在斑溪 國朝康熙時建

茅洋菴 在斑溪

大山菴 在斑溪大山上 國朝光緒初改靈泉

王鈞大山庵記距縣城西北六十里有山曰雪竇形勝不一巖泉邱壑皆殊絕尋幽者多託足焉而待憩息盤桓者賴有一寺廊廡宏殿宇巍峩真山中所不可少者過東十餘里為斑溪竹樹茂密落英滿地其谷窅而深其溪清而曲雞犬桑麻宛若桃源佛世界外又一仙世界焉詢其居人盡皆董氏復行七八里溪流盡山徑高登峯陟巘隱見一庵題其門曰大山菴蓋因此山而得各焉佳僧與廊宇不及雪竇百

剡源鄉志

卷七

寺菴

三

一而藤蘿樹石宛肖斑溪之幽邃焉入門升堂額書宋忠臣董公祠中有塑像狀貌奇偉令人肅然起敬闕其第二額蟲食剝落隱見不可卒讀其大意蓋備錄董公盡節殉難事并伊嗣奉祀之由乃知董公為宋宰郡馬國亡殉難者宜其子孫之不忘而世祀之也宋史不之載豈稗官野乘當日有未詳歟何以赫烈如郡馬者而顧竟略之哉余為之感嘆不置還過斑溪遇老友茂堅係董氏裔也問其祖上事實與額言無異余復噫吁久之茂堅曰世無大手筆故大山菴迄今無記今幸遇君求君一表章之余曰君祖郡馬公在宋為魏科高第而其仕也又政蹟可觀及大宋亡不忍背國而必殉難此純臣也忠烈為第一大山之有君祖火遠勝雪竇之供佛火者矣余何可不為之記因索筆據案而記之嘉靖壬戌歲

善贊菴 在董家畧

瑞峯菴 在許家岸

定山菴 在榆林釋奇僧奇夢建互詳仙釋

奇僧卸定山菴詩兄弟叢林四十秋歸來祖道肯重修定山荆棘和根出饒舌老僧暗點頭

西峯禪寺 縣西南八十里唐咸通九年寶慶志僧卓

菴建康熙志名西峯院寶慶志宋嘉祐間真禪師重建

延祐志治平二年名圓覺院寶慶志明洪武初改寺

國朝康熙中僧通記重修康熙志

宋陳著到西峯寺兄弟蒙所與僧屋詩因次韻檄便入雲山相逢話晚年慣吟茅屋下時打葛藤前應世

未圓覺無人識聖顛滔滔女兒境猶抱穎師弦

又次韻如岳釀飲西峯寺分韻詩十四首人世浮浮風裏塵不須更問果何因有時意思悠然處流水青

剡源鄉志 卷七 寺菴

山便是親 天地中間浩浩歌從他鳥兔健飛過旁人若問功名事笑指南柯蟻一窠 春夏交承紅與

綠歲寒三友松與竹我是蟾宮老桂枝獨受上天風霜足 天街追逐邊塵亂更點聽殘鐘鼓院歸舟偏

覺昔年非高枕已忘前日倦 粟瓶酒核近多窄書友詩朋亦閒逢只有漁樵是知己也嫌老似雪中松

蕭蕭四壁住殘生不學神仙不學僧有酒未能忘北海種瓜且自學東陵 自分書生他未暇物外人

來偶清話老聃主見一字虛莊叟寓言專是化 不到西峯為日久一日一日又明日有約為此游

一片雲山想依舊 正覺留題久岑寂此後此意誰知得老僧揖入廊東頭摩挲石刻令人憶 老佛眉

閒屋漏愁殘廊腳下草光浮誰能飢坐蘆穿膝莫問神通石點頭 小小杯盤共話情茲行聊爾過浮生

瘦吟學士如工部楷法書來近率更 四坐詩成以成卷醉舞者半歌者半薄雲疏雨且早歸杜鵑自催

鷓自怨 隨意提攜容易率相約明朝更今日太白儘可詩百篇堯夫卻有四不出 遊了南山山外山

北山下住更幽間消磨永日
何妨睡受用清風不用還

又釀飲於西峯寺分韻詩牢穿不借踏青晨信與林
泉有宿因忙裏偶成真率會醉來不省亂離身歸途
西嶺何妨晚吹雨南風正送春燒
筍煮茶須再到一山古意要詩人

宏智正覺禪師詩水流百折山蒼蒼古寺形容橫野
航明月初濡寒露白籬花似趁重陽黃道人心已老

松石學子膽須磨雪霜默默澄
源生兀兀游魚沙鳥靜相忘

元戴表元遊西峯余兒時讀書其旁詩山迴水抱西
峯寺二十年前日日來一出居然負邱壑深藏還此

遠風埃農樵識面逢多問魚鳥知心見不
猜家世剡人須住剡相尋未識百千回

國朝毛鏜西峯濤詩間遊西峯下小立石上苔洪濤
松頂壁疑是海門來一聲天欲震萬疊山欲搖西

峯非海鳥濤
聲吼巖腰

剡源鄉志

卷七

寺菴

三

又西峯竹浪詩微風動金影此君
慣不定夜來明月中韻和西峯磬

太平菴 在巖頭之董家坪

靈鷲菴 在巖頭之東阬 國初時庠生毛與蘭因葬

有曾祖墓建菴招僧以奉祀事

翠微菴 距巖頭七里塔裏阬

清涼菴 在謝界山

鎮福菴 在楊墅

淨土菴 在楊墅

舒其宏宿淨土菴詩竹院偏宜靜僧憨不下牀呼童
覓石乳爲客俾茶鑪日暮蛩能語秋深花更香相過

塵慮息莫
問世炎涼

梯雲菴 在石門本孝思祠後改今名

清隱菴 在石門今圯

清涼菴 在石門今圯

雲溪菴 在石門琰杯山有饅頭山塔高三丈餘咸豐

一二年重修

案以上三菴乾隆志作縣北誤

法雲菴 縣南六十里乾隆志銀阮嶺

案南當作西

剡源鄉志  卷七 寺菴

美

福善菴 在張家阮

以上前路

龍泉菴 在嵩溪廟側

象峯菴 在馬村西畝

大智院 縣西七十里延祐志唐咸通十一年寶慶志

僧乾奉建名大智菴康熙志宋大中祥符二年賜今額

寶慶志今改寺康熙志同治初為竊賊潛身之所邑令

鄭侯錫澤拆而燬之人人稱快

案寶慶志云縣東誤

西峯菴 在西山頭

巖下菴 在馬村

廣福菴 在環澤

寶蓮菴 在白壁

證道院 縣西七十里唐光啓二年置名靈橋宋治平

二年賜今額寶慶志明洪武初改爲寺嘉靖志寺西登

山半里有龍湫爲鄉民雩禱之所南百步有巖穴深

不可測習習風生寒氣襲人曰風谷谷下泉流寒甚

於冰曰冰鑑路轉縈迴巖虎踞前有方丈之地足

以憩息曰振衣巖又數步列嶂前橫晚霞舒錦如對

剡源鄉志 卷七 寺菴

三

畫屏曰宜晚攝裳而升漸入平夷多景所聚有堂曰

蘊秀端憲沈公煥撫少陵剡溪蘊秀異之句名之又

築清心亭於冰鑑之左臨淵疊磯垂釣榜曰桐廬古

意涓水遺風云寶慶志久圯

元戴表元詩彎環青徑斜自是野僧家滿澗瀉巖液
插天排石牙爐寒餘柏子架靜落藤花記得逃兵日

門多貴
客車

案故址距董村里許

長壽菴 在棲霞院

廣積菴 在沈家巖

雲鷲菴 在

水口菴 近董村

永福菴 在桃花院山下元孤峯德建

觀音堂 在三折嶺中北溪節婦盧唐氏建四季施茶

溪隱菴 在北溪

半嶺菴 在深阮嶺腰

伏獅菴 在烏巖頭距西晦溪十五里

龍華寺 縣西八十里唐咸通六年寶慶志僧了悟建

康熙志名凝光院宋治平二年改龍華院寶慶志明洪

剡源鄉志 卷七 寺菴

三

武初改寺康熙志久圯

安隱院 縣西一百里唐咸通十一年置名聖壽宋治

平二年改今額寶慶志久圯

案安隱院莫詳其處寶慶志云縣西一百里當

在黎洲今黎洲一故址階石尙在切近一小村

曰寺前想或是與抑卽黎洲寺之故址與是處

各村譜牒均未載入父老亦無傳聞不可得而

考矣

黎洲寺 唐咸通十一年僧曇遠建今廢四明山志

戴表元詩不知何處起鐘聲雲作樓臺霧作城洲上
稻肥初起撥山中黎巨舊傳名林疏野地惟多石氣
溼炎天亦少晴東畔有潭聞險絕巖前時現老龍精
一區雞犬白雲顛亂後來看意惘然劫火尙餘唐
殿宇土風甯是晉山川沿溪客散三州路並寺僧
耕百畝田欲訪蹤由題作句矮碑只在近時鐫

以上後路

舊寨

公塘巡檢

在縣西四十里剡源鄉五十二都

延祐宋志八

熙甯二年置

寶慶志十四

元設巡檢一員司吏一名

延祐志三

明革

康熙志

宋

唐嘉仲

剡源鄉志

卷七

舊寨

三

案公塘唐譜嘉仲新昌唐家洲人授公塘稅課
巡司因家焉自當不誣縣志職官宜補

元 閻

案本堂集有代人送閻戎沁春園詞一首又有
送公塘戎西江月詞一首豈卽閻戎與

張淮孫

沈世榮

宋 昇

楊世榮

趙 贊

潘文德

孫 海

潘 榮

劉 成

左文德

蕭 舉

密 蘭

金 貴

馬 麻

鮮于桂

王 昱

曾鈞

沈祐

倒刺沙

以上乾隆志

案乾隆秩官志元連山巡檢有王昱公棠司條亦列其名而任叔實送括蒼王實翁邏戍公棠序有往年王將軍邏戍連山越七八年復戍公棠之語疑實翁卽王昱之字或其別號特序中不言其名耳然公棠司十九人列昱於第十五人之後似在有元之季叔實乃元初人則王昱亦爲元初人知秩官序次不無顛倒矣

土軍官

剡源鄉志

卷七

舊寨

罕

宋寨額九十人今六十八人

寶慶志

元設兵二十名

延祐志

二至正志六

附人戶買撲酒坊

寶慶志

公塘坊

寶慶志

五男文尺校字

補

寺菴

孝義菴

尋孝義菴遺蹟詩

孫鏘

剡源岑寂一囊雲來訪筠塘塢裏春朽木已無養和具

囊雲先生嘗得懸崖奇木製為養和坐遺磁猶泐瓣香

臥其間見黃梨洲墓誌及全謝山記文人菴內有囊雲香爐上銘康熙天荒地老風波遠先生

己巳慈谿裘濟章敬助小字以家難傳法焉林密山深世界新麥飯願存先覺祀當

家原是在家民先生之卒以康熙辛亥三月二十日享年六十有九歲

剡源鄉志

卷七

寺菴

聖

乙未春仲同慈谿孝廉馮夢香先生遊筠塘觀囊雲

香爐適普航上人以先生諱日間余答以黃梨洲先

生誌文既嘉其追念先覺又足為剡源存掌故焉率

成一津用誌雪泥鴻爪之緣云爾